

詒安堂二集

詒安堂二集卷三

葦杭集上

上海王慶勳叔彙著

癸卯秋賦瑁璫依然落拓青衫徒呼負負甲辰歲作西
冷之遊冷醉閒吟自謂于山水間前緣頗厚遂以葦杭
顏吾集云

癸卯元旦

晴雲輝曙色鼎鼎歲華新酒剩年前味梅開剗外春柴門
耽寂寞殘夢怯風塵幸擁書千卷平生自有真

寄季平

匆匆小別讀書堂又見春風茁女桑莫怪貪言泉石味最
難消是熱心腸

詒安堂二集

卷三

偏有狂名在酒樓雄封直壓醉鄉侯才華畢竟宜收歛海外還聞有九州

題子研秋懷詩後

不盡歸興與都成勞者歌潮聲千騎疾旅夢一樓多且買金樽醉休傷鐵硯磨青山遊子淚無計奈伊何

書齊梅麓先生詩後

歸裝幸辦買山錢此願償來已十年捧檄原知毛義苦辭官早識范喬賢酒場慷慨無餘子文字殷勤有夙緣不獨傳名詩卷富海天留得筆如椽

焦山孫額半
係先生所書

和聽翁送別

三篙新水欲平橋一曲驪歌暗柳條自古天涯游子恨不

來南浦亦魂消

讀書偶感

豪傑原無種屠沽未可輕骨悲燕趙客氣塞魯諸生名易
文章著功難口舌爭試看天下事都坐享時平

題聽翁壬寅詩草後

鄉愁言不盡倚醉且高歌事怕燈前憶秋疑夢裏過字憑
心血鑄筆有劍光摩詩史真無媿才華豈厭多

題陳托巖丈詩後

英雄退步任縱橫方朔誰知屬歲星高節寫成千个綠

畫

苦吟熬盡一燈青杜陵詩本關家國白傅才原出性靈

廿載申江橋畔路牙琴又遇子期聽

丈已久不作詩近遇張春水姚野橋諸君

頗多
倡和

題雷研農丈紅萱館

種徧忘憂草詩人寄意深辛勤韓子屋儉約敬姜心彈鋏
誰知已牽蘿有賞音酒懷真慷慨還與刺舟尋

上巳日有感同蘇子研沈蕙珊作

又是羣賢畢至辰無才真媿百年身風流雲散誰名士古
往今來幾醉人妙語細參齊物論高文直壓永和春桃花
開遍城西路攜酒何時更問津

送黃鬻青丈歸魏塘兼寄張鹿仙孝廉

綠波暖貼春江淨帆挂東風力偏勁屈指剛逢三月三歸
家正值團圓慶息耕堂上詩人多辨才無礙比懸河著書

不數名山業淨白爭誇金管羅萬里游踪接交趾循聲遠
被牟城市溟雲海氣蒸蒼茫盡入玉溪錦囊裏遊倦歸來
設講堂陰陰桃李藹門牆一燈相續誰稱最只有一星天
上張張郎才調驚凡目不愧薪傳自山谷爲語吟詩莫太
奇須防飛夢來窺讀

夢花橋舟次同季平弟話舊

輕風搖曳蹙微波明月隨人一棹過壯志飛騰慚軾轍故
交零落感牟何謂胡鬻堂阮曉江無才濟世聊藏拙有筆
盤空且放歌漫道醉鄉天地濶劉伶雖好已成魔弟豪於飲故戒
之

卽席呈黃硯北司馬丈仁

得慰瞻韓願休嫌御李遲牧民古循吏講學老經師練達多更事和平不惑時汪洋黃叔度窺測孰能之

一官成一集老輩劇風流廉石充歸橐春雲擁選樓壇宜執牛耳字尙作蠅頭

先生猶能書小楷

酒綠燈紅地頻叨侍宴游

葉桐君丈出示無題詩因次原韻

碧城曲肱掩梨雲何止香毫紀錦裙往事難拋蘇學士多情豈諱杜司熟春迷綠野花千樹心醉紅橋月二分海樣才華閒寄托艷思還比麝蘭薰

繹紅橋舟中卽景

芳樹叢叢合春光簇眼前潮爭橋路狹船護柳陰圓雲劃天邊雨村攔草際烟蓬窗無箇事兄弟對牀眠

和聽翁感懷韻

同計萍蹤類泛鷗，壯懷空寄仲宣樓。
漫將福分爭青史，難得功名到白頭。
世事本如棋局變，人生易誤稻粱謀。
紛紛蠻觸緣何故，但博山僧一笑休。

散步至洋涇浜

桃花時節我重來，往事傷心盡劫灰。
只有臨風萬楊柳，又開青眼護軍臺。

夜同子研季平散步

幽興忽相合，驀欣懷抱開。
人烟團水陸，燈火閃樓臺。
花影月扶起，詩情雲送來。
得閒且尋樂，還約醉深盃。

卽事

世人半爲浮名累終日揮毫我亦癡反訝春來詩債逼匆
匆吟過杏花時

寄季平弟樅溪

惟酒能養性且以之合歡不飲胡爲者醉鄉天地寬然而
疏儀狄神禹心先寒衛武作抑戒屢舞羞衣冠劉伶荷鍤
語聊爾寄達觀沉湎旣足慮濡首良可歎心能防禍水何
至興波瀾釀王勢雖赫願上封章彈糟邱臺岌岌幾輩能
身安幸勿誇大戶令我眉先攢

醉後柬蓮溪子研

酒國埋名好何須愛獨醒愁銷雙髻綠涼暈一燈青影寫
淋漓狀心忘爾我形今宵磨醉墨詩筆也通靈

和聽翁讀梅村詩韻

偏阻升天福名翻累羽毛難逃青史直空羨白衣高末路
心原苦悲歌氣不豪筆端皆涕淚何媿繼離騷

侍家大人同黃霽青觀察湯賡甫廣文張鹿仙曹吉

雲兩孝廉張春水徵君曹枏岑蘇子研兩茂才省

園雅集

杖履聲中笑語親彩雲晴吐絳紗新花光艷寫豐臺色詩

思濃分酒國春選勝自爲娛老計霽翁新成別業尋歡同

作太平人還將出處煩商酌莫負他年畫錦身時吉雲擬

讀沈文恪公詩集題後

不獨詞華善兼邀特達知直言能致雨康熙十八年早

詔求直言公應

詔上書越二
日大雨盈片餘事但爲詩人品超文苑書名播玉墀辦香
誰永奉早辦手民資詩板已燬公裔
占翁重付梓人

城西看桃花

天桃如錦草如茵踏翠還來約故人殘刻尙餘前度客好
花猶是去年春未妨勝地仍攜酒可有仙源許問津紅粉
倘知心感慨也應含笑變酸辛

題鍾子英壬寅年詩後

海國多風雨難爲狎浪鷗感君游子恨嗟我故園秋墨浣
青衫淚燈煎白屋愁怪他名利藪牢鎖幾時休

題于秋泉南湖柳隱圖

碧雲深處儘移家曲曲疏籬抱屋斜指點金風亭子外笛

聲涼煞水蒨花

不妨鼓棹任遲遲
酬酢春光仗酒卮
醉臥柳陰無箇事
閒懷惟許白鷗知

移宮換羽易消魂
樂府源流細討論
譜出烟波招隱曲
別將風月自成村

小長蘆恐是前身
修到漁家福已真
何日也容閒載酒
伴君同作畫中人

畱姚蘇卿丈

清華

見贈之作

不愁白髮損朱顏
位置軒窗水竹間
仰屋只除書可著
看雲便覺意俱閒
偶拈佳句能傳世
鍊得病心早閉關
莫悵猪肝安邑累
聲名端不負名山

丈有鍊心
太清圖

偶作

檐漏聲聲忽然止狂飈盡掃雲如紙扶筇來看怒濤飛浪
花直挾蛟龍起偏怪長年胆氣粗挂帆轉向層波裏任爾
低昂了不驚枕樓自有乘風技君不見當年橫海漢將軍
鯨鯢手縛鯨官底莫謂書生魂易銷弩射三千心亦喜攜
得枚乘筆一枝斜陽淡抹餘霞紫

漫興

襟懷敢向白鷗驕忍恥求名辱自招乳燕有情如惜別海
棠無語自含嬌浮生易爲錢刀誤積毀能將志氣銷縱許
緘愁難覓寄鯉魚風裏水迢迢

寄楊肖英

結習難拋翰墨場平生風趣未容忘官私且任羣蛙鬧得
失還占一馬忙傳世文章原磊落依人滋味太淒涼幾時
搜寄詩千首待我親薰百和香

題姚春木丈通藝閣詩後

居然支派少陵分旗鼓誰堪敵此軍老筆倒撐三峽水勝
情高截九峯雲不妨花月供陶鑄自有心肝寫見聞婉我
雷門倉卒遇君前翻悔硯遲焚

和子研卽景

蕭蕭庭竹兩三竿也有清風捲暮寒香草自應閒處種好
書宜在靜中看一樽酒熟詩成易四面花迷月到難爲惜
春愁無寄託青琴還對水仙彈

和鹿仙憶舊韻

年華楚楚態盈盈，難忘花天舊日盟。
別有心香堪引夢，乍通眉語已含情。
癡期燕子傳芳信，羞被鸚哥識小名。
最是淒涼風雨夜，嘈嘈猶似四絃聲。

和東墅題省園原韻

自愛江城解時時，載酒過屋低常礙。
帽徑仄不成坡小隱，慚元亮揮毫愧永和。
支頤弄風月詩句，儘閒哦。

檐際晴光展，剛欣客到門。
小園雖近市，老屋似居村。
松竹珍遺蔭，冰霜漬淚痕。
園左爲曾大母節孝祠相看兩不厭，成還約醉。

黃昏

原作

張修府

小築城闌畔探幽蠟屐過竹陰低壓沼花氣潤連坡
水暖魚苗聚林深鳥語和慚非摩詰友輟墅坐吟哦
此地吟窩託幽居好閉門君與令弟季平讀書於此楊雄草元室
杜老浣花村茶竈瓶笙酌書窗屋漏痕他年對牀約
賞折共晨昏

客中寄小瀛

時雨連番檻外催愁懷不共白雲開文章豈爲科名計學
問原從孝友來敢薄封侯無此骨久知濟世重長才憑誰
指引蓬山路忍令簫聲市上哀

吳淞舟次

林密疑無路潮來忽轉風溼雲頽四野殘雨滯孤蓬樹杪

炊烟白花凝戰血紅一江流水急歸夢可能通

舟中寄季平弟

小別緣何事無端比浪遊山川勞客夢風雨厄扁舟酒薄
難成醉歌長不解愁池塘春草茂佳句待誰酬

鹿城舟次

昨夜瀟瀟雨湖波分外寬嵐光三面壓水氣一城寒詩夢
和鷗淡秋心帶雁酸似來圖畫裏不厭倚篷看

思序齋寓中題壁

牽得張融岸上舟旁觀憑訝客何求胸多塊壘空澆酒庭
有梧桐易感秋心靜那嫌居近市山佳還似約登樓熱場
不信眞忘熱畫舫人偏冒暑遊

聽程霽亭彈琵琶

大絃嘈雜小絃清字字能挑旅客情
流盡潯陽江上水何時才謝別離聲

胥江旅次雨後小酌

神龍張鱗怒噴雨堂堂雷鼓何威武
直挾銀河水倒流更誰鍊石將天補
霎時庭院停滄茫彩虹一抹斜陽拖
江樓寂寂客罕至賞心且酌金叵羅
炎威盡被涼風逐我喜今宵睡應熟
夢把青山撫頂誇此番不負頭新沐

陶芸窗丈招飲虎阜

多謝陶彭澤相邀醉百杯月光和笛
起花氣撲船來水帶燈痕閃詩憑酒
胆裁談心欣舊侶雅抱逐雲開

喜晤金碧山丈暨令子原卿茂才

意外忽相值招提一再過異鄉情更密往事感尤多殘刳

逃烽火閒懷負薜蘿可憐雙鬢影能耐幾消磨碧翁談及前年避兵

之事聲淚俱下

和作

金垣

寂寂楓江廟

古李王廟為楓江七廟之一

欣君日夕過俗氛塵外

少佳句客中多

叔樊紀遊詩甚夥

感舊歌楊柳

以春柳詩見示寄慨不少

投閒憇薜蘿

寓汪氏思序齋園亭

新詩齊脫稿墨訝兩頭磨

寓齋日占仍用前韵

小住三英市匆匆一霎過夢都如意少酒不敵愁多漫刈

齒門草如牽補屋蘿

齋前盆花甚盛

秋風容易到鐵硯媿遲磨時接

趙子蔭李伯英
約赴秋閣之信

却寄子研

連宵飛夢過江村
話舊何時共酒樽
結習難除華士累
傳名誰似布衣尊
倘開白社憑聯席
好約青山替守門
劫外勞生休問我
近來何處不消魂

遊劉氏寒碧山莊

屈曲花間徑高低
水上樓雲團千樹
影山逗一簾秋荷氣
隨風散蕉心帶雨抽
不堪題壁處感慨續前遊
壬辰秋曾同俞子愚

丈過訪
園主人

夜坐

黑甜鄉萬里愁
逼漏聲纖梧葉響如雨
月光偷入簾影憐

蝸壁倚香懶鳴爐添差幸吟懷健挑燈韻默拈

寄內

落拓青衫筆未投難禁踪迹感登樓陌頭楊柳休相問不
是封侯是浪遊

初秋

潦草吟懷只自憐客心又觸早秋天材非濟世難輕出詩
不驚人怕浪傳四壁微蟲淒似雨半窗涼月淡于烟他鄉
滋味渾無賴差覺飄流勝昔年

柬金原卿

看花情不厭倚瘦一枝簫詩思含秋健鄉愁仗酒消買山
空有約作客本無聊且任還家夢相隨早晚潮

寄答春水文

天憤窮名士傷秋復奈何風塵心枉厭歲月墨同磨偏靳
清閒福惟容感慨歌縱教知己遇時已恨蹉跎

七月二十七日小坐味菜窩燈下作

範水模山幾度過勞人豈止負烟蘿無求終覺人情厚有
夢方慚世味多心事畧憑詩漏洩年華已被酒蹉跎客來
休問文章價奈此荒蕪筆墨何

客館不寐

鼙鼓聲聲急虛堂閒似年峭寒來枕上奇句落燈前月影
酸相照蟲音澀可憐遙知京國士歸思滿江天

謂子良

同趙子蔭季平弟赴省試

尋秋又上秣陵船，敢信文章勝舊年。成佛甘居靈運後，着

鞭已讓祖生先。

謂仲博山曹吉雲

木雞能到終須養，元豹微窺恐

未全不獨高堂勞。望眼蘭闥還費卜金錢。

黃浦曉發和江馨山韻

又作槐黃客，蒲帆趁曉風。浪花團櫓白，旭影裏檣紅。清嘖聽孤鶴，高飛羨遠鴻。早潮秋有力，聲滿海門東。

楓橋舟次同趙子蔭程蘭汀季平弟飲酒

新月如鉤，櫓背明壺觴。憑與訂詩盟，客懷冷淡偏宜酒。醉語荒唐，自有情、北斗星高，森夜色，西風人靜，碎秋聲不知何處。寒山寺聽取疎鐘繞夢清。

同葛恪庭費石農沈秋卿江馨山蓉湖秋望

臨水無多屋圍環盡綠楊波連衫影碧帆閃夕陽黃遠樹
分嵐氣清風烈酒香九龍青似昔轉訝澗聲忙
吟侶萍踪合扁舟喜共過蘆中鷗夢穩雲外雁聲多山色
濃于染湖光皎似磨野人秋未覺猶唱采蓮歌

毘陵舟次柬子蔭并示季平

秋色蘭陵任飽看江風涼入客衣單尋常行路談何易到
此方知上水難

潯墅關

吳頭一水兩州分榷稅樓高倚夕曛計吏踞津常虎視書
生倒篋但鴻文度關漸覺鄉音改行路偏憎暑氣薰頗欲
請纓圖建樹棄繻何必讓終軍

潤州感賦

荒原日落暮烟生四野猶聞太息聲
噓蜃一時遭劫火西關
外連雲樓閣皆燼于夷曠沐猴幾日變蕪城
泥沙折戟何堪問啣土營巢尙未成
我亦竄身兵燹隙驚弓重觸故鄉情

新開河口

濤聲直下疾如雷幅幅蒲帆趁晚開
一髮金山浮水面夕陽紅上塔尖來

飛出蟾輝似鏡明一江秋氣擁舟行
涼波豁作琉璃色流水無聲月有聲

東同寓諸君

媿煞鮎魚上竹竿六朝山色幾回看
笛音吹冷雲千里秋

氣平分月一團烟水茫茫鷗夢濶江天渺渺雁聲酸應知
聚首非容易難得樽前續舊歡

秦淮水榭和伯英韻

麝蘭香襲岸邊舟十里烟波夾畫樓畢竟秦淮風味別垂
楊猶帶六朝秋

玉管金笙共一舟停桡訪遍十三樓簾櫳不放斜陽入讓
與清風送好秋

雨花臺

西來大意無人曉寶誌雲光談了了頑石曾聞解點頭一
天花雨猶飛繞天女紛紛散寶花君王自住梵王家捨身
救苦眞多事

梁武帝於重雲殿
爲百姓設救苦齋

億萬金錢贖翠華設遍無

遮法喜食如來不解謀人國可憐殿上荷荷聲索密何曾
佛聽得

騎驢

騎驢來郭外居士學清涼笠影圓秋色鈴聲闐夕陽詩馱
千里夢花簇一鞭香得得西風裏閒吟興自長

雞鳴寺

相傳齊武帝出獵至此始聞雞鳴故名

願作雄飛雌雌伏一聲唱罷千聲續起舞曾爲夜半歌劍
光直暈燈痕綠君王數問夜未央月光疑是朝曦光景陽
樓上鐘敲未幾輩宮人催曉妝車駕儘貪田獵去萬戶夢
回天欲曙四野喧傳喔喔音官家早到射雕處但知王氣
祇能消諫書不受邯鄲超興居號令多顛倒更步齊風刺

早朝

詩小序雞鳴篇爲刺齊哀公荒淫而作也

後湖

卽元武湖元嘉中以黑龍見故名

黃龍不出黑龍出，將山王氣猶未畢。
一道長虹亘遠天，山靈曾見來傳蹕。
旗鼓紛紛起水中，鸚鵡聲雜軍威慄。
萬頃湖波蹙細鱗，還隨蒹葭聲蕭瑟。
嘉名錫後昆，明災健兒誰是居。
龍才天生豪傑原，無種興亡轉瞬眞。
堪哀青旂紫蓋全消影，如夢江山喚不回。
只有遙空濃翠裏，一亭分占割餘灰。

臺城

無邊芳草接叢叢，猶說蕭梁有故宮。
好把河山參色相，莫將成敗笑英雄。
郎君著述名偏永，佛子因緣夢早空。
留得

江南三百寺夕陽依舊可憐紅

秦淮櫂歌同李伯英甘勿之張東墅作

涼篷艇子小於瓜畫槳雙飛只載花誰料篙師猶艷福往來總不脫繁華

世界眞疑住碧城歌喉宛轉每三更那須眞箇消魂者魂已先消笛裏聲

孫楚樓

百尺樓前月如水子荆當日曾居此酒人一去二千年姓氏猶然挂人齒枕流漱石亦何妨樓中春酒年年香青蓮學士今何往明月窺人尙李唐

太白曾飲於此

偕江孚尹遊枕江園

不礙江村僻園林屈曲通苔粘三徑碧樹隱一樓紅山影
窺牆外松聲走澗東詩懷幽絕處都寄夕陽中

卞忠貞公墓

父爲忠臣子孝子清談之世竟有此大節能增典午光凜
然生氣何曾死白簡飛霜表直言中流砥柱誰堪似那待
青溪力戰時丹心早已輝青史

白門秋感同趙二川子蔭李少雲伯英季平弟作

剪盡疏燈話故鄉屠龍畢竟技誰長自來豪傑無酸氣從
古英雄有熱腸往事又成棋一局醇醪且醉酒干場頗能
學得嵇康懶怕與天孫鬥七襄

雷約軒持雲仙校書小影索題

彷彿驚鴻賦裏人梅花端不媿前身誰知清絕羅浮品更

占秦淮一段春

板橋花品以雲仙爲梅花

才人豈諱說情癡吟到無題艷不支

約軒篠峯皆有題詞語極艷麗莫惹

春懷勾太緊被他偷見畫眉時

果誰修到做鴛鴦領取南枝第一香我是孤山林處士惜花心事未能忘

和伯英秦淮漫詠

笙歌沸盡可憐宵眉樣彎彎月許招紅豆盈牀憑記曲青衫
濺淚說題橋幾忘桃葉年年換不信楊枝樹樹嬌敢蹈
司馬輕薄習詩魂漫爲海棠銷

青溪弔古

琵琶彈處總聲吞往蹟難尋粉黛痕波影碧攏桃葉渡淚
斑紅幻蓼花根空餘膩土埋香骨誰載芳樽妥艷魂風景
可憐都換盡好山青入破籬門

張麗華
葬此

閨中作

聽到春蠶食葉聲始知辛苦是書生文章未必全無據恩
怨原來亦易明

二三場多有警報者

早識升沉關福命聊憑心血博

功名堪憐燒盡三條燭畢竟丹誰九轉成

出水西門

葉葉歸帆向晚開西風捲入暮笳哀一城秋氣催人去千
里江聲抱郭來美酒醇還醺客夢瘦山蒼似鍊詩才今宵
倘許誇飛渡猶作滕王閣下猜

黃天蕩懷韓斬王

江流疾走聲如雷倉皇南渡君臣哀提兵奮勇扼江口當
時功合斬王推旌旂樓櫓沿江列浪花直濺刀頭血殺盡
金人始快心指顧黃龍看殄滅雙揮玉腕鼓聲高更羨夫
人膽氣豪忠義一門同激烈鶴河其奈寇遁逃小朝廷已
天心定論功未許操全勝一擊不中將奈何扣馬書生開
捷徑太息中興大將才千秋遺恨付低徊風濤此日船頭
響猶似鼙鼙戰鼓催

金山

陡開詩眼界勇陟妙高臺水勢鑽天去潮聲拍岸來僧談
兵後事佛亦刳餘灰轉憶韓王戰蒼茫感將才

京口晚眺次江馨山韻

雲氣風吹盡斜陽分外嬌江聲自今古山色豁金焦一抹
彎新月羣帆趁暮潮倚蓬扶淺醉鄉思接迢迢

舟次贈子蔭

草草槐黃一度過年華總被墨消磨名心嶽起胸中久世
事棋翻局上多敢謂塵途稀賞識幸逢滄海定風波雞蟲
得失今休論且自勤揮挽日戈

答伯英兼示季平

結得模山範水緣心胸豈望俗人憐讀書千卷復千卷涉
世一年深一年有福纔容親翰墨無情何可做神仙宵來
且試清談興剪燭蓬窗未忍眠

聽松石歌

石高三尺縱五尺橫二尺五寸篆文聽松石三字相傳為唐李陽冰書背有行草書

府文岩永李觀察榕園之命移置庭左築亭覆之

不見喬松但見石行草五行是誰畫剔薛欣逢短李來靈

光頓顯陽冰額我謁碑時秋正中涼雲隱約一亭籠那須

第二泉嘗到清氣先攜滿袖風

艤舟亭

桂花香不斷直到艤舟亭石氣入秋碧藤枝蟠露青

古藤花館

有東坡先生
就居舊址

銀雲無世態玉局有神靈高誼千秋在難忘

展齒經

山塘

水聲亦愛繁華地流入姑蘇便有情黃葉亂飛峯盡出碧

天如洗雨初晴酒攪花氣先應醉月讓燈光未肯明今夕
詩懷憑艷絕玉簫吹徹已三更

喜晤蔣亦山丈

意外相逢興不孤連宵風雨話姑蘇賞懷各證新詩本執
手仍慚舊酒徒敢說名心難許退自知豪氣未能無十年
多少滄桑感應惹先生笑壯夫

薈子橋舟夜

柔櫓輕拖水際烟茫茫夜色杳無邊波光似鏡難藏月山
氣如雲欲上天但覺今宵詩思湧渾忘異地客心牽吟聲
飛出疎篷底還恐人疑是謫仙

客夜

娟娟新月挂如鉤添得窗前竹更幽綠酒有情還引夢黃
花無語自成秋怕增鄉思偏聞笛欲煖詩懷且擁裘博得
痴人稱灑落更誰知我感登樓

答廖笠仙

箏語琴心喚奈何通宵還與唱迴波誰言世上閒人少我
覺天涯酒伴多謂陸樹齋金醇甫鍾子良陸尾山諸君花態纖如描病骨筆
鋒銳不斬愁魔無端錦瑟增傷感君新賦悼亡可怪名流太受

磨

同伯英夜話

才如昌谷例多愁儘伴銀燈住小樓桐葉自敲深夜雨竹
枝分助滿庭秋平心論世原存恕冷眼看人每代羞但得

詩工貧也好大言轉笑說封侯

寄李吟香丈姑蘇

漫將消息感華顛畫景分明滿眼前村酒薄扶詩骨健水
風涼入墨花妍登臺客老心猶熱謝病人歸髮未宣憶否
去年今日裏挑燈題徧薛濤箋

答東墅

煮字何來麗色絲幾曾閒過少年時雄心易被微名賺傲
骨難求上藥醫豈有猪肝牽俗累惜無鶯語喚情癡君苗
筆硯焚猶未休悵繁華景太遲

靜安堂二集卷四

葦杭集下

上海王慶熙叔儀氏著

子良自都中以下第詩見示次韻却寄

卅年我亦竟無成同此青衫感慨并
三徑未容招處士一
瓊已足困書生敢云抱璞無知已
漫謂吹竽可得名未必
江南遜江北歸昌總要待時鳴

曲高原貴奏陽春古調何心論屈伸
入世幾逢青眼客倚
閭須念白頭人文章奪命終疑妄
身世如棋莫認真休對
秋風還瑯璩閒懷應憶故園尊

贈錢梅溪丈

詠

湘靈名譽滿詞壇筆墨因緣老未闌
踪跡漸驚同輩少性

情久作古人看不妨鶴骨齊稱瘦祇讓梅花共耐寒應許
柴門留十日少微星彩映江干

發黃浦作

倚罷趁潮去欲雨未雨時遠水接前浦四面雲低垂忽然
漏斜照塔影煙中移星光破暝色着意東風吹篷窗一以
眺明月還相窺

五沙道中

東風吹面不知寒佳景還憑放眼觀煙外青浮山一髮雲
間紅漏日三竿花因無恨逢春健詩爲求工下筆難獨倚
柁樓吹鐵笛襟懷浩蕩水雲寬

楓涇

鴻柳聲不止野趣接芳塘遠水拖明練孤村擁夕陽天低
雲愈峭風急樹如狂彷彿青帘外時時送酒香

魏塘舟次與皇甫二愚夜話

釣艇都歸去人家半入煙帆收城影裏船泊柳陰邊詩夢
橫千里春光換一年疎篷鄰舫接絮語共綿綿

烟雨樓

烟雨都收盡晴光護蒲樓客來惟載酒波定不驚鷗訪友
孤前約謂于秋泉題詩悵舊遊春風何太急催送木蘭舟時因風利
不及進城

語兒道中

炊烟青不斷直上石門塘濃孕山川色晴薰草木香三篙

言少室二金
卷四
二
添水驛一路接風檣聞道杭州近遙峯漸可望

初到杭州

入年已覺二分春柳色蘇堤早換新明日商量何處去隔

宵先約舊遊人

消孫曉峯
夏蓮塘

由松木場至聖因寺歷游孤山斷橋平湖諸勝

扶筇入雲去仄徑穿彎環古寺掩林木似阻遊客攀紅墻
列如畫礪瀑鳴潺潺循聲到湖上頓覺開心顏一面倚城
郭三面圍青山路在波光裏身在嵐翠間勝境探未已幽
想超塵寰此時問我心更比閒鷗閒

晴光浴滿湖日影猶未午春氣欲薰天遙山益媚繡柳眼
漸垂青輕烟散前浦沿堤千萬條絲絲煥風舞綠陰偶缺

處賴石亭臺補小憩且勾留領畧詩境古

月湖景固佳晴湖亦不惡一碧萬頃烟波紋經繞郭耳轟
輿馬喧靜愛游魚躍幾曲赤闌干時有船來泊酒香林外
飄臨流試斟酌極目渺予懷何處微波托

梅花落未盡似待我來看香氣颯然至春風尙覺寒逋仙
不可作老鶴飛前灘我欲留題墨方愁吟未安瞥見壁間
詩一唱餘三歎

壁間有雷約軒題句

天下山水佳信是杭州最山如浸水中水更抱山外衆峯
高挿雲一江束如帶圖畫自天然絕勝丹青繪風日況晴
佳春光太無賴尙非恣幽尋恐負此芳靄行當結鷗盟來

續題襟會

玉泉觀魚

活潑清泉長不涸大小游魚齊奮躍
游客爭將香餌投鱗戢戢真璀璨
一片澄波似鏡明千年網罟無人作
漫矜變化登龍門未必方池輪大壑
浩蕩天機任泳游相忘還比江湖樂

飛來峯

衆山皆蒼莽茲峯獨挺秀天欲炫奇觀
飛來自靈鷲懸崖如驚禽巉石類猛獸
青松頂上盤碧薜佛頭繡蓮花萬瓣
垂日影一線漏微風裊藤蘿眞液孕
岩竇清泉倒奔出勢欲與石門終日聲
潺潺自協宮商奏猿啼久不聞嵐翠還
依舊巧勢自天成俗匠安能鏤試問白
足禪三昧誰叅透

長嘯過溪來閒雲鎖層岫

天竹道中

下山復上山乘興恣幽討一經踏雲來彌覺嵐光好古剎
嵌巖腰處處因地造曲澗萬峯圍怪樹兩岸抱片石駕危
橋流泉喧亂草花氣媚朝晴境僻春偏早回瞻經過處紫
烟蒸瑪瑙

淨慈寺

鐘疑雲外來路自林間入一簇南屏山宿雨猶含濕琳宮
倚嶂開孤塢撐空立隨喜過方丈石累百尺級俯瞰西子
湖萬景此中集波光滑似油亭影圓如笠欲尋溫公書扇
輿下坡急

登吳山望錢塘江

高閣依山起登臨萬象開天難束江住峯欲截雲來帆影
翻於鳥潮聲怒似雷何當杭一葦直上越王臺
畧辨西興樹斜陽漏影明老魚弄風色歸雁入春聲山峭
削成劍雪雄排作城炊烟騰萬竈偏得此幽情

湖上晤雷約軒

酒癖詩魔擾不支漫天風雪一筇持

約軒時出示除夕探梅圖

未妨跼

跡如萍梗同爲年華感鬢絲此地儘容開眼界他鄉難得
遇心知西湖烟月休孤負豈但梅花繫我思

和約軒五柳居題壁韻

我爲尋春至君還冒雨遊江湖雙蠟屐身世兩閒鷗夕照

懸孤塔波光簇小樓紅闌干上倚詩思總清幽

同雷槐園酒樓小飲

雨中山更媚鼓興共登樓烟景晚如畫風光嚴似秋何人
來放鶴隨處可盟鷗相約重攜酒同爲十日留

訪和靖先生墓

沿堤來訪逋仙宅裏湖外湖夾浪碧信步但從香處行一
路梅花到門白突兀孤山土一抔偏有祠堂三畝闌午夜
風寒鶴不歸想應厭遊人跡何待詩魂舉酒招玉梅萬
朵皆精魄

葛嶺喜晤葉丈崑池

不見詩人面匆匆又一年閒身惟伴佛佳句可欺仙歲月

浮于夢襟懷鍊自天莫疑超曠甚曾飲稚川泉

湖樓卽景

一片湖光倚檻開青山都浸浪花堆春風計日隨人到詩
思連番仗雨催遍地花香如醉酒隔牆泉落訝奔雷柳陰
搖出瓜皮艇知有山僧訪我來

南屏訪青雨上人

達宣

爲踐詩人約扁舟冒雨尋雲侵禪榻潤花擁石壇深綠酒
餘狂態青山證道心長眉相靜對應許滌煩襟

湖堤散步

門外山山翠作堆春風已向柳梢回出林塔影高於屋過
欄泉聲響若雷白舫開搖開士去青帘遙引酒人來塵心

到此渾消盡併覺新詩亦懶裁

贈青雨上人

閒飽伊蒲饌高談貝葉經湖山吟鬢白風雨佛燈青環几
花都靜蟠階石亦靈宵深休說法還恐老龍聽

湖樓坐雨同奇園作

寒風挾雨來日夕不曾止急點偶然停溼雲又爭起不辨
南北風茫茫但烟水柔櫓一兩聲知在湖心裏連日看山
忙轉覺今朝美無事儘閒散相偕傾綠蠟沉醉雨聲中談
笑惟擁被消受一枕間睡鄉亦可喜清遊眼底多詩句夢
中紀有客來敲門聲聲驚屐齒忽訝展晴光夕陽在山矣

寄季平弟

日口登臨逸興濃放船才罷又扶筇
佛香燒遍三天竺蠟屐吟過九里松
坐看沿堤攢小艇臥聽隔院吼疎鐘
新詩閒向燈前數遊到雲峯第幾重

垂垂柳色未藏煙偏有鶯聲轉樹巔
瀑布亂噴青嶂雨斜陽淡抹碧羅天
牆間新筍聞雷長檻外閒花媚日妍
畢竟西湖勝西子年年風月浩無邊

六和塔

松陰直鋪地山勢高參天江光三面抱
壞塔撐晴烟緬彼紺螺色無復鈴聲圓
老僧向余話劫火燒前年燭龍自空
降圍繞來相煎炎炎勢莫遏人力安能
前幸是泥封固未致傷其堅吾聞牟尼
教神力施無邊何以城門災殃竟浮

屠聯可知興廢理佛亦難周旋坐看此塔燬徒惹低眉憐
談餘各點首謂我真知禪相送下山去來喚江心船

渡江

扁舟棹向中流去無數春山圍悄然剗火燒紅半枝塔東
風吹綠一江烟滔滔雪浪欲擠岸葉葉蒲帆如貼天不是
出門親閱歷豈知腳踏此間船

江中渡船
半皆腳踏

雲棲

盤盤石蹬沿江入萬个篋管夾道立一路穿雲忘力疲看
山真覺目難給放生園中六畜多雞豕牛羊一棚集池上
流泉題洗心好滌煩襟修緱汲巖腰飄出旃檀香隱隱微
風鼻觀襲梵宇高低林外排處處逢僧逢客揖寺門輿馬

何喧闐師臘今朝三百十是日爲蓮池大師三百十歲生辰遙想蓮池定
力眞智慧頓開除結習儒冠拋却著緇衣須彌山包粟一
粒匆匆飯畢覓歸途乾翠飛來欲打笠

靈隱寺

不是仙人宅居然佛國天松陰涼襲路竹影淡篩烟聽水
來亭上呼猿到洞邊忽然悟禪悅清磬一聲圓

韜光

穿過靈隱寺韜光闢奇境無數青琅玕排擠直到嶺壁蘿
扶瘦筇踏破綠雲影竹覓承仙泉一滴一聲靜羣峯似論
文到此益奇警僧房如旋螺一層換一景下視越州山幾
抹修眉整樹杪逗江光匹練界天冷危樓倚碧岑佳趣全

湖嶺幽探未能已，賴此春晝永。金蓮池上開香欲，將詩請鐘聲何處來，彌覺發深省。

石屋洞

峭壁忽凹入，居然成石屋。巉巖駕碧梯，天光納深谷。空翠滴不停，螺髻儼新沐。危巖皆下垂，諸佛撐空腹。坡老舊題名，剔蘚尙堪讀。黛色黑而凝，欲捫手還縮。夜深戶不扃，定有雲來宿。

于忠肅公墓

竟有回天手，公真社稷臣。官家慙負德，史筆替含辛。倉猝成孤注，烝嘗肅萬春。也應聚頑鐵，通鑄奪門人。

水樂洞

路折山始深林邃勢益莽潏迴水一泓地廣不盈丈淪淪
絲竹聲細審音何朗高下協宮商還藉風磨盪激石忽不
鏘琴筑互相仿節奏出天然應鼓巨靈掌大章與咸池俗
樂豈能做憶昔賈平章曾來聆妙響奸回豈知音徒辱山
英貺我來值初春洗耳愜清賞泠泠太古音何處著塵想

烟霞洞

天工弄神斧鑿破混沌竅雕作烟霞形石腹逞奇妙十八
應眞衆鬚眉都畢肖莊嚴誰琢成靈鷲分孤嶠十二錢王
增威神益陡峭拾級來窮幽洞口窺晴曜天衣五色披虹
影千條耀捫壁入雲竇深窈須燭照土氣侵衣寒濃綠迷
輿交清談聲摩空誤引猿欲嘯雲容變化多處處奇峯繞

山靈應笑余偷得幾詩料

下翁家山至理安寺

一峯環一峯叢木翳翠阪曲徑如蛇盤行盡不知遠忽聞
雞犬聲孤村倚層巘高下數十家泉水共一堰穿過楊梅
嶺山形復蜿蜒春氣媚山花態益增繾綣幽禽不住啼石
罅濃雲偃松際寺牆紅遙逗斜陽晚急問贊公房脫粟謀
一飯

松嶺閣和壁間姚野橋韻

滿地松陰滴翠涼午尋峭壁截天長鐘聲圓抱山腰壯花
氣濃熏佛面光小鳥也知貪地靜老僧偏慣肅賓忙留題
誰爲紗籠句孤負詩人鬢已蒼

湖上雜詠

尋山與馬日紛紛
繞出城闌便水雲
占得玉蓮亭一角
爛波憑與白鷗分

白堤行盡接蘇堤
柳色青青放欲齊
畢竟西湖春事早
樹頭已有曉鶯啼

鏡樣湖光十里澄
憑教船價入春增
片帆高挂壺天月
只

載雲堂粥飯僧

湖中艇子皆用篙櫓惟雲林寺齋飯船獨帆檣

多謝春風爛漫晴
尋山問水暢幽情
喚船日日茅家埠
贏得篙師識姓名

隱隱遙山隔翠烟
閒行最好雨餘天
斜陽已上黃妃塔
尚有遊人放畫船

九溪十八澗

言尋九溪十八澗山僧導我來琳宮層巒疊嶂互環抱幾
疑無路能相通陰崖猶浸古時綠岩花新借春光紅千仞
峭壁拔地起鈎連草木遮叢叢谷底蟠蛇散毒霧洞邊嘯
虎吹腥風高低岩竇瀉靈乳縱橫溪澗分西東奔波屈曲
赴滄海流聲日夜無終窮翠微深處不可止無邊嵐氣霏
晴空忽聞人語自天下峯腰缺曲來樵童幾泓寒碧掠衣
過此身如鳥初離籠林間隱約木魚響驚看脚底炊烟烘
遙指翁家山下屋人家都束浮雲中

龍井

青山迎面來步步得佳趣仄徑誤人行又入雲霞路洞壑

相鈎連流泉伏深樹遙見白雲中一興如鳥度高岡過未
半清磬山花霧循聲至上方寒烟溼芒履可惜好邱壑山
靈不掩護林几宇半榛蕪布地金誰募破屋三四椽僅留老
僧住剩有頑石頑蹲踞仍如故

岳鄂王墓

未抵黃龍飲空留萬古忠宰臣無賴賊天子可憐蟲氣鬱
風雲慘心標筆墨雄江山撐半壁還仗十年功

王有遺集
雄邁絕倫

錢塘懷古

歷歷興亡跡未遙鳳凰依舊擁岩堯開疆幸雪吳兒恥破
敵還憑越女嬌分得靈踪天竺國未消餘恨浙江潮大觀
亭榭無從問剩有西湖慰寂寥

勁弓射落水犀驚尚有濤聲夜入城符命何曾期後嗣
王敗信幻他生非關遺業輕拋棄要使羣黎息戰爭開向
表忠碑畔立順天心事有公評
王文成公題錢武肅王廟有順天者存額
十三陵樹那堪尋想到中興感不禁和議釀成南渡局偏
安灰盡北征心湖山錦繡朝廷小宮殿淒涼雉兔深遙指
番王墳畔路南枝千古鬱森森

鬪馬丁當禍早催襄樊烽火燭天來蝸牛自樂封圻界蟋
蟀偏煩宰相才江水無情甘縱敵黍離滿眼且銜杯汴京
失後臨安失一樣河山付草萊

大佛寺

紅牆裹岩腹碧樹絡湖根石幕雲光潤泉爭谷口喧客還

隨月到詩且與僧論清絕招提境春風醒柳魂

贈李小瀛篪尹

軟紅聊現宰官身偏向西湖結淨因判斷風花憑醉筆料
量山水仗才人吏耽佳句先非俗交爲多情勝飲醇小佳
白嫌行色遽題牋還更愧陽春

湖上散步

果然宜雨復宜晴山水流連劇有情竹徑遙通雲外寺柳
陰濃抱岸邊城春含嵐氣三分醉詩較波光一樣清不礙
風流叢裏過畫船多半玉簫聲

湖樓卽事柬李少雲

西湖景色太寥寥還恐丹青未易描野水平扶鷗夢穩春

風狂蹙馬蹄驕瓜皮只載兩三客柳線剛抽千萬條此福
何人能獨享清緣應付謫仙消

晚眺

細雨初停夜寂寥客窗無賴一燈挑
荆糊樹影連山失風約鐘聲過岸消
明月豁如呈佛面斷雲頻欲偃山腰
遊湖最好新晴後還擬來朝訪六橋

留別西湖

閒緣也自結西湖一月居然住畫圖
祇愧囊中詩筆瘦山靈難許比髯蘇

清樽相對酒家樓且爲諸公更少留
最是多情萬楊柳一齊青眼送行舟

松木堤

仄徑雙堤接清流萬壑通人家雲影外僧市水聲中山盡
含情碧花驚刺眼紅歸程蓬底記安穩託帆風

舟中同陸奇園話小青事

婉絕西湖一角春蓮花原與佛爲鄰世間幸有埋香地天
上應無妬婦津仍許談詩同小妹小青女弟紫雲有妙山樓詩亦葬孤山任
將好夢補前身小鷗波館湘玉夫多情不是陳驚座更倩

誰憐薄命人

小青墳近爲陳雲伯明府新修